

*cituidinis locus est ? qui inter hæc trepidus & mæsus est, nisi cui Spes & Fides deest ? Ejus est enim mortem timere, qui ad Christum nolit ire : ejus est ad Christum nolle ire, qui se non credat cum Christo incipere Regnare. Ultra non progredior, & ceteris parco. Constitutum quippe mihi est, integrum hoc Cypriani Opusculum in calce hujus mei adjicere, utpote Splendidum præ ceteris testimonium doctrinæ illius, quam a tot Sæculis Ecclesia Romana servat & profitetur; dignum profecto, quod quisque Christi Fidelis ad manum habeat, & identidem relegat. Pergamus nos interea colligere, quæ supersunt, monumenta Ecclesiæ, ad Sæculum Christi III. spectantia, perspecturi, quantum ipsa diffideant a pernicioso Burneti placitis.*

Acta authentica SS. Fructuosi & Elogii Martyrum habemus, edita a Bollandio ad diem XXI. Januarii, atque a Ruinaro recusa. Mortem pro Christo subire Tarracone in Hispania Anno CLIX. In carcere quarta feria stationem solemniter celebraverant. Igitur sexta feria lætus atque securus festinabat Fructuosus, ut cum Martyribus & Propbetis in Paradiso, quem Dominus præparavit amantibus se, solveret stationem. Consummato Martyrio, solita Domini non desuere magnalia; apertumque est Cælum, videntibus Babylon & Migdonio fratribus nostris ex familia Emiliani Præsidis. Qui etiam filice ejusdem Emiliani ostendebat S. Fructuosum Episcopum cum Diaconibus in Cælum ascendentes coronatos. Hæc eadem confirmat S. Prudentius in Hymno VI. Libri Πηπει Στραπάρων. Tum in hæc verba definit Actorum Scriptor Synchronus: O beati Martyres, qui meruerunt dignam HABITATIONEM COELIS, AD DEXTERAM STANTES CHRISTI, benedicentes Deum Patrem omnipotentem, Dominum nostrum Jesum Christum Filium ejus. Suscepit autem Dominus Martyres suos in pace per bonam confessionem. Postrema hæc retinere volui: sæpe enim in Cœmeteriis antiquissimis Romanis, atque aliarum Civitatum, occurrit formula hæc in Pace. Alludebant veteres Christiani ad versiculum Psalm. iv. 9. In Pace in idipsum dormiam & requiescam, spem Resurrectionis a Deo promissæ confirmantes, & pacem Dei cum fratribus & Ecclesia inuentes. Forùm interea Animæ in Cœlis versabantur, ad dexteram stantes Christi, benedicentes Deum Patrem &c. Quare intelligis, quale in Ecclesiis quoque Hispaniarum de hac re doctrina vigeret. Jam evulgarunt in Tom. iv. Maji, Socii Bollandiani Passionem S. Theodoti Ancyрани, qui ad superos abiit Anno Christi cccIII. Nilus Scriptor cœvæus, immo & testis oculatus, gloriosum illorum certamen descripsit. Ita vero illum fratres adstantes alloquebantur: Te quidem, postquam ab his ærumnis emigraveris, Cœlestia excipient Luminaria, Angelorumque & Archangelorum Gloria diversimoda, & Spiritus Sancti incommutabilis Claritas, ac Dominus noster Jesus Christus, residens ad Patris sui dexteram. Horum enim bonorum causa tibi erit gloriosum ac magnum, quod instat, certamen &c. Ad diem quoque V. Junii in Actis Bollandianis habemus agonem Martyrum Ægyptiorum Marciani, Nicandri, & sociorum.